

Fract
teol.



Kat. Komp.
58803

Mag. St. Dr. P

Liech
now
ski
rector
Ak
Demi
chet
num
shig
Shin
cent
go
Bakt
hwi
wht
nini
1720.




58803

III

$\frac{20}{12}$ *gwa* 2 *kor*

11.

1902. I. 38.



Virtutum & Meritorum odore
FRAGRANTISSIMUM

è Celeberrimo GALLIÆ *Lilieto.*

in novennocolle CULMÆ viridarium

TRANSPLANTATUM.

Venerabilis & Eximius Servus DEI

VINCENTIVS

S. PAVLO

Fundator Congregationis MISSIONIS
pientissimus.

Ipsa obitûs Ejus Anniversario

In Academia Culmensi

Anno Dni 1720. Die 27. Septembris

Exercitii Studiorum causa

Pro Sabbatīva

EXPLICATIVM

Luci verò Publicæ

M. ADALBERTO HIACYNTHO
CIECHANOWSKI.

*Philosophia in alma Universitate Cracoviensi Doctore, ibidemque Scholæ SS.
Omnium Seniore ac interea in Culmensi Academia Rhetorices Professore & Studii Directore.*

PRÆSENTATUM

XXXXXXXXXXXXXXXXXXXXXXXXXXXXXXXXXXXX

T H O R. V N F I

Impr. Ioh. Nicolai NOBIL. SENAT. & GYMN. Typograph.

РРВ Ремизинъ Клеветы пѣснь
мнѣ [?] [?]

Hic est VINCENTIVS a PAVLO; in cuius Insti-
tuti reverentiam, mitras deponunt Præsules,
Hic VINCENTIVS, in cuius Personis, nihil dis-
solutum, in moribus omnis cultura, in Oratorio frequens
gemitus ut Turturis, in labore circa proximum, visceralis
amor ut Pelicani. Quocunque pedem religiosissimi in-
fertis Missionarii, lac infantibus amarum, Senibus absyn-
thium, sive redditis, cum omnium viscera, dulcissima im-
buitis pietate. Hoc VINCENTIVS vester habet manna
absconditum, quod Cibus conversationis vestrae nulla ani-
ma possit nauseare. *Neothericus in Panegyri Illustrissi-
mo olim Michaeli Tarla Episcopo Posnaniens. titulo
Purpura.*

58803



Ad
Sacrum Institutum
CONGREGATIONIS MISSIONIS
Domûs Culmenfis
Prophalis.

NOluit Fundator Vester VINCENTIUS, alieno sub nomine, lucem videre publicam, nisi sub hoc, quod ab Ipso procederet; & cùm LILIVM sit, in Vestris cupit videri manibus, cujus odore & cor & animus Vester satiari non potest. Perillustres & Admodum Reverendi Domini. Quis enim Vos separabit a VINCENTIO? & quis VINCENTIVM a Vobis? Vita Ejus in Vobis est: & Vestra in Eo fuit semper. Vester VINCENTIVS & Vos VINCEN-
TII. Vita Vestra, Vita Ejus. Fervor cordis vestri pientissi-
mus corde VINCENTII agitante incalescit ac exardescit. Odorem quem Sacrosanctæ Ecclesiæ intulistis, ab hoc Lilio provenisse, laudi maximæ ducitis: imo LILIVM hoc fragran-
tissimum in uno quoque Vestrûm, tanquam suo Viridario can-
didissimè crescit & florem explicat præstantissimum. Vidit Orbis Vestros ALMERAS, ZOLLIOS, PIERRONES, VATELOS Generales & vidit in Eis VINCENTIVM. Vidit Sarmatia Antistitem Posnaniensem MICHAELEM TARLO, sed admirata Angelum potius, quàm hominem cum nomen quidem Angeli haberet; sed Spiritum VINCENTII. Fuit ille Senator Regni, sed fuit & apostolus nam alteru r agebat Stanislaum. Est & modo quod miremur in Vobis Reverendissimus Generalis Vester BONNETVS, Sanctita-
tis

*tis Speculum est. Et in POLONIA Perillustis VISITA-
TOR FABRI, virtutum Faber est. Sed & Domus Cul-
mensis angelicâ Vitâ Vestrâ rapit omnes in stuporem. Nec
mirum sub Archangelo Principe, manendum angelis. Peril-
lustris Dominus MICHAEL MATTHEVS WALTER
Superior Vester est, Loci vero ArchiPresbyter & Præpositus,
Angelos repræsentat nominibus & sic cælestem agitis vitâ. Cul-
ma Ipsi originē dedit, daret & culmen honoris, nisi humilitate sua
respueret illud, quanquam & sic culmen ipsum sequitur glo-
riæ. Vir hic summis par, major aliis, præsidet verendus o-
mnibus pariter & amabilis, & non solum dignitate præest,
sed & virtute; hac ad probitatem, illâ ad reverentiam, utra-
que excitans ad perfectionem. Regimen Academiæ tenet &
gaudent sceptrâ Academica tanto Principe. Obscurentur
jam rubigine, nisi ille expoliret, dum ad pristinum statum re-
stituit Gymnasium. Pastor Ecclesiæ est: & pretioso monili
ornat sponsam, dum præter sollicitudinem circa Oves, etiam
Altaria DIVUM Splendere faciat: Claret ille Bonis Animi,
claretis & Vos & sic omnes unum exprimitis VINCENTI-
UM. Imo tanta virtus vestra, ut quamque excedat Panegy-
rim, qua Vos & ego prosequi non audeo, cum sciam vos lau-
dare, nisi proprio ore mereri: unde unico verbo vestram com-
plectar laudem Filii. VINCENTII estis Patrem possedistis.
dixi omnia. Suscipite ergo Patrem vestrum & LILIUM,
cujus odorem fragrantissimum in prosperis Successibus, &
Nestorea experiemini Vita.*

Hoc exoptat

Nomini Vestro

Devotus Cliens

Director Academiæ Culmensis.



ORATIO.



Actenus inter domestica morari placuit li-
mina, hodiè tandem Divis auspiciis ad exo-
ticas Gentes peregrinari animus venit.
Auditores titulis Majores. Dulce quidem
natale solum, sed alieno sub Sole jucundi-
us; amica patria, sed Exterorum visita-
tio necessaria; chara domus, sed tantum
inter Patrios lares focosque morari; inglo-
rium. Imo infame est, generosæ Polonæ indoli, ad magna
natæ & majora enutritæ, egregiam docilemque juventam suam
domi corrugare in otio, infamius non nosse homines populos-
que, excedit infamiam illi Claudianæ subjacere crysi.

Ipsa domus pueram, quæ vidit, ipsa senem. Pulli Aquilæ
sumus, ergo evolandum ad solem, ut sic magis nostra acuatur
palpebra. Sol hic exteræ Nationes sunt, mens palpebram agit.
Ab hoc sole, idest Exoticis gentibus, cognitionem capimus re-
rum, prudentiam paramus, domum redimus ornatiores. Vlysses
(quò Græcia sapientio rem non habuit, decennale Trojanum
excidium, inter tot reges, & principes versatior rem non vidit)
unde

undè tantam acquisiverit scientiam! ut & Homerum Elogi-
asten, & gloriàm orbis mereatur, dicite auditores? Alieno à
sole his incaluit radiis, exotica limina, tanta sapientiæ compara-
runt lumina, ob quæ, totus orbis, cum Horatio. Videre deside-
rat Virum;

*Dic mihi Musa virum, captæ post funera
Troia*

*Qui mores hominum, multorum vidit &
urbes.*

Et benè. Ibi enim, multa audimus, multa discimus, multa o-
culis cernimus, quæ nullo doctore, nullaque disciplina, unquam
possunt perdisci. Juvor hac in parte, Cassiodori sententia. In-
terdum expedit patriam negligere; ut Sapientiam quis posset
acquirere: Vlysses Ithacus, nisi hoc fecisset, in laribus propriis
forsan latuisset. & in alio loco. Prudentiores illi semper
habiti sunt, qui multorum hominum conversationibus proban-
tur eruditi. Ergo his fultus jam feliciter arripio iter, carpo vi-
am. Sed quò fata ducent? quò mens anxia curret. Ex Polo-
nia, migro in Gallias. Miramini forsan Auditores, cur non
alibi? Fateor Hippomenem non ago, ut per Imperii campos,
cursu alite, Atalantam seceter volentem: nec ipse evolare novi,
ut in nubibus cum Aquilis maneam. Amphitritem sociari non
vult, quæ me per Pannoniæ profunda gloriæ ducat flumina.
Herculis, vires non habeo, ut cum Tartariæ lucter Dracone, &
Bubonem etiam seu Noctuam timeo, nè mihi ultima fata clamet.
Melos mihi Silesianæ exosum Syrenis, cum vitâ spoliet. Vrsos
Provinciarum odi, quòd acephalum ut sangvisugæ corpus re-
linquant. Belgii & Sveciæ ut reprimam Leones; Lisimacho
Comite opus. Gryphos horreo, nam & si aurea ament viscera,
exviscerant. Turrès & videre recuso, ne carcerem agant. Ve-
natorias audire Tubas, (ne ipse citius vener ab eis) non præ-
tendo. Scorpiones abherreo. Monstra Chinarum deterreo:
ubi verò splendet Luna, nè me orbis Noctivagum putet; non
ibo. Sardinæ fumosis imaginibus, & Æthyopicis capitibus,
quæ terrendis, magis serviunt pueris; non egeo. Monaci Cre-
pundias, seu Lusum Abaci, relinquo voluptariis; ipse interea
Galliarum peregrinatione contentus. Præter enim politiem
illam, quâ omnes superat Gentes; præter affabilitatem, quâ o-
mnino universos excedit populos; præter alia, quæcunque com-
mendant regnum illud, Gallia hortus est, & amæna voluptas:
imo Gallia cum in suo Viridario, immarcescibilia producat Li-
lia LILIETVM est. Ergo horum odore captus, intendo in Gal-
lias.

lias. Non spero hac in parte crīsm, cum & DEos sciam in
 amæna descendisse Tempe: causa mentis recreandæ. Arræ-
 niora Tempe Gallia, quam his pacatioribus intra patriam tem-
 poribus, licet conscendere. Non erravit, quisquis hoc, floridum
 nominaverit regnum, semper enim pubentibus viret floribus,
 agregiis superbit foliis dum candidis floret *Liliis*. Latè horum
Liliorum fragrantia diffunditur, nam & Ecclesiæ spargunt o-
 dorem, Regno, Civibus, incolis, peregrinis & vicinis regionibus
 candorem. Jam captus amore *Lilii*, ut quondam Venus Rosæ,
 steti in Galliis, & in stuporem raptor, inter alia LILIUM videns,
 non tam naturæ dono, sed Superûm favore crescens Venerabi-
 lem & Eximium servum DEL. VINCENTIUM à PAULO, *facer-
 rimæ Congregationis Missionis pientissimum Fundatorem*. LILIUM
 hoc virtutum & meritorum odorem fragrantissimum, non tan-
 tum per vastissimas & amplissimas Galliæ Oras, sed etiam uni-
 versi orbis plagas diffundit suavissimè. Ergo illud ex celeberrimo
 Lilieto GALLIÆ in Novennocollis CULMÆ Viridarium
 transplantabo. LILIUM jam apud me es, sed candidissima Tui per-
 mitte explicare folia. Imple nares meos, odore scientiæ, ut di-
 gnè Te sciam, in his transplantare Montibus. Tu verò Audi-
 tor dignissime, dum tantam miraberis pulchritudinem LILII, si
 illud odorari cupis, non denega attentionem.

Nullum florem provida natura creavit, ne sit proficiuus
 orbi, sed ut totum esse, in commoda populi debeat; *Lilium* verò
 & Florum Reginam voluit, & in maxima debilis vitæ humanæ,
 ordinavit remedia AA. Et justè quidem cessit *Lilio* florum im-
 perium, nam transeat, quòd superemineat eis; transeat quòd
 melifluam ad se alliciat apem, & venenosum fuget perimatque
 serpentem: transeat quòd regium ejus latus, spinarum armetur
 satellicio; sed quòd invisum Veneri; notandum. Quòd verò
 maxima debili vitæ humanæ subministrat remedia, docta, hac in
 parte, Galenorum sufficiat fides. Præter enim quòd suos ex
Liliis, distillant Spiritus, producant unguenta, medicamina pa-
 rent; maximos etiam *Liliis* curant defectus. Datur né & vi-
 dentior & execrabilior sanitatis defectus, veneno? & tamen in-
 clusit *Liliis* summus rerum Opifex remedium, quæ pellant illud
 & venenata purgent viscera & restituant sanos. Verbo ut *Lilio-
 rum* venustas & magnificentia pateat. Ipse cælestis Agnus, in-
 ter *Lilia*, nisi pasci voluit: ut vel hinc & prærogativæ & virtu-
 tis majoris inter alios forent *Lilia* flores. Et verè excellit *Lili-
 um* flores, dum in sacra cælis transit bellaria, jucunda parat
 convivia.

Locus

Locus *Liliorum* est, secus decursus aquarum, crescunt & alibi, præcipue tamen magnitudinem, pulchritudinem & odorem nanciscuntur: Si aquarum prope fontes, implantentur. Vt ista omnia in nostro pateant LILIO, natalem Ejus scrutamini. Nascitur seu plantatur LILIUM nostrum in Galliis, in orbis scilicet LILLETO, sed pullulat flos, ab alia parte Montibus, ab alia, Fontibus, vallatus. Scilicet nascitur in loco, idiomate Gallico POY dicto, à potu quasi, quod scilicet Cælestis dulcedinis & Ambrosiæ potum prædebet populis, potum pretiosorem propinabit fidelibus, quam Cleopatra Antonio: potabit nam fideles Christi, vinô Spiritûs Sancti, vinô illo, quod germinare facit Sanctas Virtutes. Pullulat LILIUM nostrum ad Civitatem ACQS; prope aquas scilicet. Futurus enim erat VINCENTIUS, qui manare & scatere debuerat fonte illo, qui sua de cælis meruit habere principia; illo fonte, qui nobilior Erydano, solus & unicus vivus dicitur. Imo ideo prope aquas nascitur, nam aquas, quas supra firmamentum, summi Conditoris suspendit manus, ad sui pullulationem VINCENTIUS allecturus erat. Nascitur prope Montes *Pyrenenses*. Montes hi Gallias dividunt ab Hispania, protenduntur ab æquinoctiali Exortu, in brumalem occasum. *Pyrenenses* dicuntur ab igne, quod scilicet, crebris fulminum ignibus feriantur. Hæc est ergo terra, in qua pullulavit LILIUM nostrum: Hæ sunt floris nostri deliciae. Hæc sunt Viridaria, inter Montes & aquas condita: ut scilicet ad videndum LILIUM Cælites in Montes descendant; homines vero adnavigent undâ: miro LILII recreandi odore. Pullulat inter aquas & Montes igneos, ut sit LILIUM verum, extra candidum, intra aureum seu fulgidum ab igne Montium: hæc utique natura *Lilii*. Sed pullulat ad Montes. Montes hi termini sunt Galliarum & Hispaniæ. Non vanè auguror. *LILIUM* hoc, cum in ortu, Regnorum terminos mereatur, postquam excreverit, & terræ & Cæli implebit terminos. Aut. Non capit semen hujus *LILII* nascentis, regnum unum, excrescientis pulchritudinem nullum capiet, imo nec orbis ipse, nisi Cælum. Pullulat ab ortu in Occasum, quasi nulla sit orbis plaga, quæ non recreetur suffimine hoc; quam vel in filiis suis, odore Fidei, odore gratiarum cælestium, non impleat. Nascitur ad domicilium ferme fulminum, ut asvescat, (velut alter Mytridates venena) eludere fulmina, si quæ, homicida mortalium exposit in eum, tonabit Sathanas. Pullulat inter ignes, ut lumen Fidei, accendat gentibus, recreet justos, pios illuminet, fulguret & perimat Hæreses. Sed nascitur inter Montes & Aquas; Vt se cum aqua, quæ nisi viscera terræ occupat; humiliet: & ipsis montibus, idest superis pateat. Verum vellent TE DIVINE PUSIO montes hi & aquæ, aquæ toto orbe diffluunt, ergo per universum

fum tuum portabunt odorem. Vallent montes, citius de illis videberis in plano, ipse hujus agri *Liliis* pleni, cælos ascendens odor, attrahet mundum, ut flore Tuo oculos, odore nares, hoc est pulchritudine mentem, virtutibus corda beet.

Multum hodiè juvat, Augustone Patre nati sumus? aut si scipionem habuimus Patrem. Egregium est a Pyrro ducere genus: Matre Lavinia, aut si non olympia, certè Cleopatra, aut saltem lætari Octavia. Etiam nostrum VINCENTIUM & Pater ANEAS & Avunculus excitat HECTOR. JOANNES a Paulo, nomen patris. Propheta, quò non surrexit major, & Doctor gentium in uno nomine. BETRANDA de *Moras Mater Ejus*. *Bertrandos* & Sanctos & reges legimus. *Moros*, præter grande nomen Cancellariatus Galliae, primæ scilicet magnitudinis sidera, etiam Cælo teste, veneramur Divos. Tantis ergo natum Parentibus, quis neget eum excessisse Regum natales, Principum Familias, Heroum Domos; cum Reges, Principes, heroes & Sancti, hujus præludunt natali. Tantum genus Infantis nostri, nil humile sentire cogit de VINCENTIO. Erit erit VINCENTIVS & Eremita pusio, & Præcursor Domini, erit & Apostolus, erit & Doctor gentium. Elevatur à terra LILIUM hoc seu crescit Divinus Pusio & fortè inter fratres agit pastorem. Benè est. LILIUM est VINCENTIUS. In campis nascuntur pulcherrimè LILIA, in campis videte VINCENTIUM. Sed Pastorem ne exprimit VINCENTIUS, an pascua? dubium est. Pascuam exprimit cum sit LILIUM. Pastorem: cum ab ovibus suis bruta nociva repellit, tutasque ab animali reddit rapaci. Pascuam, cum futurus sit qui ovibus Christi suum subministret pabulum. Pastorem, cum animam suam pro fidelibus dare desiderat. Pabulum tamen est quia LILIUM. Quo Agnus ille pascitur, qui & Leo de Tribu Juda dicitur.

Explicaret jam folia LILIUM nostrum, sed irrigari cupit, ergo; ut Ceruus nitidas currit Sitibundus ad undas, sic noster VINCENTIUS ad scientias: quas cum ut aquas hauriret, seu iis in propinquo irrigaretur Aquensi Athenæo, deficit Cisterna, Vnde ad fontem Tolossam scilicet & Starogaciam divertit in Hispanias. O quale LILIUM erit! si tenerum adhuc exsiccat flumina! Si paruum non contentum fluviis! Auguror hinc Auditores, non multæ tantum aquæ, sed ipsæ etiam si de Firmamento exciderent, futuram ejus non extinguunt charitatem. Fontem haustum, justum

coronare censuit antiquitas; habet & VINCENTIUS, cū LILIUM sit, quo coronet hunc fontem. Sed mira Metamorphosis est, imo novum prodigium & paradoxum. Fons VINCENTIUM coronat, *ACADEMIA* facit *DOCTOREM THEOLOGIAE*, facit *MAGISTRUM* Sententiarum. Explicat ergo jam & folia sua LILIUM nostrum, explicat & odorem Virtutum & meritorum fragrantissimum, in cathedra scientifica. In qua ea claritate arcana fidei revelat VINCENTIUS, ac si in cælo fuerit aliquando, & ea viderit, quæ si oculos haberet videret fides & foret Experimentalis scientia. Sed non diu felix Cathedra Theologica VINCENTIO. Elegit latere VINCENTIUS in profundo humilitatis, & ob id Sacram resignat Cathedram, Doctoratum, usque ad mortem latere cupit. Verum DOCTOR Sapientissime non possunt Civitas supra montes, & in candelabro occultari faces Gemma in profundo maris unio est, & in terræ visceribus metallum, sic in nucleo Ilias. Ergo & TU in abyssu humilitatis TUÆ; VINCENTIUS es, DOCTOR es. Scitis unde tanta humilitas VINCENTIO. *SERAPHICUS FRANCISCUS* mutatus in eum. Infans ipse dum studia tractavit in Lycæo Aquensi, in Domo Minorum manserat, ergo quæ ibi didicit orbi præsentat. Quidquid tamen facis VINCENTI, scias Tibi inimicum honorem, nam ille sequaces deserit, sequitur desertores.

Spinis vidimus circumdari *Lilia*, nec desunt VINCENTIO, præter enim illas, quibus quotidie artus suos angebat & corpus, etiam Divina Manus afflictiones addit. Sed erravi. Aureum intus est *Lilium*-Aurum DEUS hisignibus probat. Gemma in auro pulchrior. Liber, si in compactione non sentiret fissuras arcturasque impolitus esset. Passer Canarius, ni Caveam sentiat, modulari nesciret, nec unquam tam egregium Cantare melos. Pulchrum & nostrum in spinis LILIUM. Adhuc Sacræ Paginæ Professor VINCENTIUS, & iam omnium sibi conciliarat affectum, & ita quidem, ut nemo fuerit, qui Ejus amicitiam non quæreret. Nullus Princeps, qui filios suos, per Eum erudandos non optaret; nam discipulos, non sapientes tantum, sed sanctos effecerat. Nemo erat, qui VINCENTIO non optaret bona, nemo erat, qui etiam si invitum ad honores & dignitates non promoveret. Omnis dignitas sæcularis, omni voluit maritare VINCENTIUM Spirituali dignitati. Inter hos præcipue *Esbornensis Tetrarcha*, cum aliis & Ecclesiæ Principibus & Orbis Ducibus: non Abbatem tantum. sed Episcopum videre voluit, in quem finem suam navabat ope-

operam, ut quàm citissimè Candelam hanc, lumine sacro
fulgentem, in Aureum Ecclesiæ candelabrum eveheret.
Seu *LILIUM* nostrum Virtutum & Meritorum odore fra-
grantissimum in hortum transplantaret illum, qui ipsi nisi
SPONSÆ CHRISTI patet. Et cum sic de VINCENTIO
cogitat orbis. Summus propositorum humanorum Arbiter
DEUS, aliâ viâ crescere *LILIUM* nostrum destinavit. A-
mor ille, in VINCENTIUM, cum omnium occuparet cor-
da, omnium dominaretur pectoribus, omnes ad eum aman-
dum alliceret. Ecce quidam proximus morti *Tolossanus*, to-
tius quæ fuerat substantiæ suæ nostrum VINCENTIUM fa-
cit esse hæredem, omnia sua reddit *Vincentio* disponenda.
Multa nimis erat Viro illi substantia, non tantum enim
Tolossâ, opibus, agris, villis, prædiis plena erat, sed Regio
etiam transmarina Marsilia illum suum jactitabat dominum.
Subvenit *VINCENTIUS* menti Testatoris, tam gravem di-
spositionis non recusat laborem, ingenti oneri illi svaviter
suos supponit lacertos. Ergo disposita Tolossæ fortuna, e-
tiam illam in Marsiliam disponendam descendit, qua debi-
tè cum honore & gloria DEI disposita rediens, vallatur
hoc *LILIUM* spinis, dum Pyratis in spolium cedit. Vide-
re erat tunc spinas illas, quàm vallabant fortissimè *LILIUM*
nostrum, imo suffocandum voluerunt, dum venenata ve-
preta sua infigunt *LILIO*, seu extendunt Pyratæ illi spicula,
perforant sagittis, vulnerant ferro, torquibus & fustibus li-
gant, Jam in Barbaria seu illa Pyratarum Spelunca Affrica
variis torquent casibus, jam denudant vestibus, jam prout
aliqua animalia vendunt, jam affligunt cruciatibus. Eheu!
jam in tantis Spinis, in tantis acerbis nostrum suffocabi-
tur *LILIUM* ! Minimè Auditores. Venditur quidem Pesca-
tori hoc *LILIUM*, quod semper Aquis & adhuc marinis,
dum aspergere cupit, videt alterationem, seu potius nocere
videt aquam hanc *LILIO*, né ergo marcescat, seu laborans
morbis, moriatur *VINCENTIUS*, transplantat illud in Al-
chimistæ agros cujusdam. Ratus Alchimista *LILIUM*, candore
floris & foliorum viridi colore, hebetatum nimio igne re-
creat visum; sed cum & annorum pressus, onere, & prægra-
vatus labore succumbat, iterum in alium *LILIUM* nostrum
transplantatur hortum. Fertilem sortitur terram *LILIUM*
nostrum & si in Pagani & Apostatæ simul possessionem de-
venit. Nam sensit odorem *Ejus* Apostatæ & ad unionem San-
ctæ Romanæ redit Ecclesiæ, unde Romæ cum summa pæni-
tentia Ordinem Sancti *Joannis de DEO* ingreditur. *LILIUM*
Vero nostrum *VINCENTIUS* Romæ tantisper hæret, sed non
steriliter. non enim oculos erudire cupit, nec ut pictos in
Tabulis

Tabulis Quirini colles aliis demonstret, videlicet ubi locorum Vitelii culina fumaverit, ubi fornices Messalinæ se commiscuerint, ubi Curcius occubuerit, ubi Sybilla Oracularediderit, quot aquæ ductibus rigetur Roma, quot Vaticana libros Bibliotheca numeret; investigat: sed potius in contemplatione superum fragrantissimum Virtutum & meritorum spargit odorem.

Æstimat orbis gemmas, æstimat adamantes, sed & raro suum attingit valorem & temporis multum investigando consumit. Sæculis opus etiam, ut dignè possit odor LILII nostri attingi, imò tota æternitate humanus pulchritudinem ejus non percipiet genius, nam indies & momenta novo repletur odore, novam emittit fragrantiam. In horto *Congregationis Oratorii*, in horto illo qui totus divinus est apparet *LILIUM* nostrum: non quidem, ut illud adornet, sed ut facilius aliud fundare possit; ut novum Cælo, Lilietum effingat. Genium Cæli credidere Filii NERII, & ideo cum *VINCENTIUM* comitem habuere suum, cælum ipsum habere putabant: quoties audiverant dicentem, majus mirandum volebant quàm si Jupiter ipse loqueretur lingvâ Platonis. Confluebant ad ipsum Patres, rati Angelum non socium: confluebant domestici, Numen non incolam venerando. Sed cum tanto splendore lætantur, recreantur odore, grave vulnus Sociis confratribusque suis, infligit pretiosus lapis, splendidus Congregationis illius Adamas, nam pietate & virtutibus Clarior Berillo *Berullus*: dum *VINCENTIUM* Prophetico Spiritu prædicit, Novi Instituti Fundatorem. Planctus erat luctusque inter omnes, vix se spoliandos odore hujus audirent *LILII*. Volebat quisque florem hunc intueri, mirari ejus pulchritudinem, recreari odore: quo Cælum scient, satiari non posse.

Verius sui vaticinii sortitus de *Bonaventura Franciscus* effectum, quam Trafillus de Tyberio, Eremita *Bonus*, (ac quondam in Lycia Julius & Tacianus de Marciano) suo non frustratus *AQUINATE*. Nec *Berullus* *VINCENTIO*. Devenit ad affectum omen ejus, ubi *SACRUM CONGREGATIONIS MISSIONIS fundat Institutum*. Garcias navarræ Rex fundavit olim Equites Liliatos, qui in pallio deferebant cor, de quo Lilia procedebant: Plura noster fecerat *VINCENTIUS*; dum *CONGREGATIONEM MISSIONIS* fundaverat. Equites illi sunt *Liliati* & Heroes, nam odore suo, & hostem Mortalium Sathanam vincunt, & vepreta atque Vrticas in flores egregios mutant. Figmentum Homeri puto Oratores Romanos comedisse *Lilia*. Viri hi *Liliis* vivunt, nam exemplari *VINCENTII* *Liliis* vivunt, cum toto Orbe Christiano, eum odorem, explicant, qui ad Cælos usque ducit.

cat animas. Meire hic penna in *Filiis VINCENTIUM* : & discas fuisse Herculem. cum Filii Achilles. Scias fuisse *Fundatorem Eorum Lilium* virtutum & meritorum odore fragrantissimum, cum *Filii*, eum retinent odorem, qui sine miraculo non est. Nonne odor, amor ille *SUPERUM*? quô, ita ardent, ut si non miraculum foret ut *NERIO PHILIPPO* costas infringeret : ita ardent ut cum *JGNATIO* ignem spirare videantur. Hinc procedit ille animarum zelus, qui *Missiones* peragit. Videre *Missiones* Eorum, Cælum videre est; nam quæquæ Sanctorum congregatio est. Non vincatur adamas malleo, vincitur sanguine : Sic adamante duriora corda, non vincuntur conscientia, non vincuntur mediis boni, vincuntur ore Missionis. Testes hujus Hæretici, testes vitiosorum duces, testes vitæ proximi infidiatores : testes & alii qui prædicatione *Missionis* contriti sunt & ex infami, cælestem aggressi vitam. Occasionem *CONGREGATIONIS MISSIONIS* fundatæ quisquis scire cupit? Scias *AMOREM DEI* & proximi : cum enim semel in bonis *Trinicipissæ de Gondes*, Ruricolam moribundum disponderet, tunc vidit orbis, quàm ille, qui aliis justior putabatur, suo testatus ore ; nisi odore, allectus esset *VINCENTI* periret æternum. Crevit ex inde *Sancta hæc Congregatio*, crevit & pietas orbis, nam impossibile ut videns *LILIUM*, ejus non capiatur amore : Sic videns *MISSIONARIOS* eorum non molliatur sermone. Cum Bulla, Maris magni, publicaretur in Gallia, tria apparuerunt in cælo *LILIA*. Cum *MISSIONIS CONGREGATIO* primò fisteretur Parisiis, absque dubio, non sidera tantum omnino mutata in *LILIA*, sed quodque eorum vestigium, produxit *LILIUM*, ad quorum odorem Gallia versa in Elyfios. Bellat animalia immunda ex Arabia, abundantia Liliorum. Orbis Christianus *MISSIONARIIS* debet, quod non immunda tantum animalia ; sed etiam pejora Affricanis monstra sternant fugent atque perimant. Ultimò omnium *MISSIONIS CONGREGATIO* fundatur ordinum, ut vel hinc pateat primum Ejus *INSTITUTOREM* fuisse *LILIUM*, quod ultimò florum, etiam postquam Rosæ suum florem bene explicuerint, aperit folia. Hinc ultimi Operarii isti, in vinea *CHRISTI*, tantam humilitatem observant : ut omnibus tantum inferiores, videri velint ordinibus ; sed etiam hominibus : & cum sint virtutibus Gigantes, pumiliones Juliceneri cupiunt. Et bene humilitas, thronus est magnificentia, vel ideo toto orbe jam crescunt *MISSIONIS* Collegia, quia in fundamento ædificantur humilitatis. Plura de *VOBIS MAGNI PARENTIS, FILII* rectico, cum, & quod *PATRIS EST, VESTRUM EST, &*

C

obrutus

obrutus magnificentia virtutum vestrarum nequeo: id tamen honoris *Vobis* erit, quod parem virtutibus vestris non habeatis laudatorem.

Speculum venerata antiquitas, dum lemma supposuit, omnibus omnia. Sol, sat honoris existimat, dum terræ profit & cælo. Flores præter illud, quod mortalium oculos delectant, sanentque defectus, etiam Divorum aris inserviunt. *Lilium* nostrum totum sese DEO, totum proximo mancipavit. DEO primario, dum omnia IN NOMINE DOMINI aggreditur. Pete consilium, exequi mandata cupias, expectes responsa, ubique nomen istud audies præpositum. Imo etiam domi & suæ & alienæ, ductu ipsius, videbis, DEUS NOS VIDET, appensum: quasi attraxit VINCENTIUS DOMINUM, ut non potentia solum, sed præsentia maneret nobiscum. Domi si quæris *VINCENTIUM*, in cælo est. Nam ante *Sanctissimum*, non in cubiculo invenitur. Discedentem videas, Crucem tenet manibus, mente mysteria *Christi*, oculis vulnera. Vis facta videre *VINCENTIUM*, DEUM vide, in omnibus enim principium, finis, dux, semita, terminus idem. Gloria scilicet DEI, & amor Ejus. Zelus honoris DEI, vita erat *Vincentii*, paratus ipse & vita in Indiis ponere, & martyria pati. Madagascar insula sanguine Ejus gauderet, nisi Martyrii coronam *Nicolao de Elbene & Philippo Patte Filii ejus*, ordinaverit Dominus. Excolebat ille agrum Vineæ *Christi*, & Ei multum debet, quod spinas Hæreseos amiserit, & fide refluenter. Credere non disputare cogit, hæreticas vitare loquelas erudit, quæstiones damnatas & cum eorum sequacibus velut ab igne fugit. Professionem Fidei quam corde profitetur & ore, scriptam pectore tenet, ut tangens pectus, profiteatur & fidem. Hinc vide quam se DEO totum mancipaverit, sed respice quam totum & subueniendo proximo.

Primus vitæ humanæ gradus, apertum est signum si quis magnifico animo in altas facinorum præeminentias eniti debeat: imo prima infantilium annorum elementa certissima sunt præsagia, qualia in matura ætate, orbi ac posteris seculis est producturus documenta. Adhuc infantilibus constrictus fasciis, septicipitibus minatur Hydris, contra Nemæos audaciam concipit Leones Hercules, dum a novercante immissos Junone discerpit colubros. *ELEMOSINARIUM VINCENTIUM* infantiles prodidit anni, dum duodenis necdum, & totum, quidquid collegerit de pecunia, obvio sibi tradit pauperi, ut vel hinc pateant quod in posterum Ejus liberalitate stabit orbis. Ea enim *VINCENTII* Liberalitas, quæ natura solet esse. fecundæ arboris, quæ

quæ non solum quidquid habet, porrigit astris, sed etiam
ultrò dispensat sua dona, Colonis. Quidquid enim dederunt
VINCENTIO SUPERI, concessum esse mutuum existimat,
cum censu superis restituit, & in opum magnificentia, nihil
magis suum existimat, quam quod non in suos, expendit
usus: sed expendit omnia in necessitatem *Calitum* & egen-
norum, *Calitum* veluti & egenorum depositarius: & non
suarum dominus facultatum. Jam enim *Ecclesiam* fundat,
jam Aras adornat, jam captivos redimit, jam in triremibus
pressos refocillat. Makona dicat, si *Ejus Liberalitas* non su-
stentasset eam, periret. Jam Parisiis *Mons Pietatis* seu Miseri-
cordiæ fons, Ipso operante erigitur. Jam sprete infantes su-
um habent reclinatorium, Peregrini hospitium. Senio con-
fecti artifices, requiem. Lotaringia, Campania, Picardia,
Hibernia aliæque finitimæ Provinciæ, suum salvatorem di-
cant VINCENTIUM. Nam ita hæc loca curabat & alios pro-
ximos ut se & Domum suam spoliaret ad ultimum obolum
ipsam sibi *Providentiam Dei* relinquendo, miseris opes trans-
mittendo.

Sufficit Aristidi justitia, Argo circumspectio, Catoni
Gravitas, Numæ pietas, Diogeni paupertas, Herculi sæva
pati, Dædalo ingenium, Harpocrati silentium, multosque al-
ios divi sæ virtutes beatos efficiunt: Noster VINCENTIUS
collecta tenet. Seu LILIUM nostrum, non virtutis sed vir-
tutum & meritorum fragrantissimum spargit odorem. Quid
quæris in VINCENCIO? si pauperem vis? nihil hadet pro-
prium. Si humilem videre cupis? terram se putat non ho-
minem. Si fortem? patientiam pingit ex illo, jam enim &
in carcere, & diffamatus de furto, & injuriatus à militibus
& ex equo lapsus & in insidiis DEUM laudat

*Æquam sciens rebus in arduis,
Servare mentem, non secus, ac bonis.*

Numam Romæ non quæras VINCENTIUS pietas est, dum
de die bis centies & vigesies poplite flexo DEUM adorat,
discooperto capite Novum legit Testamentum, preces fle-
tendo etiam æger recitat, nec intra cubiculum ob vires de-
biles, sed in Ecclesia Sanctissimum celebrat Sacrificium, De-
mosthenem si non vidisti, VINCENTIUS & Pericles & De-
mosthenes est, silent infulata capita, maluntque audire VIN-
CENTIUM quam perorare: unde non mirum, quod *Co-*
ronatum caput Polonia serenisissimi olim conjunx JOANNIS TER-
THI ANGELUM eum nominaverit, cum cæleste eloquium
ab eo

ab eo non humanum audierit. Centoculum impossibile
agere Argum quisquis credit? deponat hîc dubium nam Ip-
se & tercentoculos transcendit circumspectores. Noverat
Ipse omnes Dæmonis astus, noverat, quàm circuit quærens
quem devoret, unde arma contra ipsum in *Sanctis recollectio-
nibus* parat: Clero verò in *Exercitiis Spiritualibus* repressalia
contra insensatum porrigit hostem. Justum quæris? VIN-
CENTIUS, neminem promovit ad honores, nisi dignum, &
respectum etiam mæcenatibus suis non ostendit, sed justiti-
am. Fuerat Justus sed simul & Clemens, regebat enim
Filios suos ut Pater. Nemo ab eo tristis abiit, nemo accessit,
qui melior evaderet & nemo evasit melior, qui partem Ejus
non haberet. Si autem punire quemcunque contigit, puniebat
crimina personarum, non personas: detegens maculas in ho-
mine, non hominem flagello maculans, tantumque odio ha-
bens, quod DEO foret odibile, & amans, quod legi Consonum
& amabile. Vidit hoc Monarcha Galliæ gloriosissimus *Ludovicus*
13. & illi suam commisit conscientiam, nec sine ipso mori vo-
luit, ratus LILII nostri odore, ad cælestia transplantari viri-
daria. Lugeret orbatum Principe Regnum Monarcham, ne-
quireret quo consolari, nisi VINCENTIUS, invitus & coactus
tineret in Parlamento Regimen. Sic minor Telluri luctus
est occidente sole, cum cælum occupat Cynthia: nec tanta
orbitas fuit. cum pro quiescente Philippo vigilaret Antipa-
ter. Nec Tu Novennocollis CULMA malum aliquod exhor-
reas, cum hoc LILIUM in FILIIS Ejus clara JLLUSTRIS-
SIMUM H. TRIDUUM *Tuorum* Tuo Viridario implanta-
vit munificentia. Habes quo gloriæ odore, cum semper
novam in Eis virtutum videas fragrantiam. Unde si ser-
pentes infauast alias malorum te oppugnare vellet Ilias.
LILIUM hoc oppone & remedium posuisti, quo abiges
perimasque nefanda. Vobiscum interea loquor & LILIUM
meum an emaruit? an surreptum. Sed Coniicio audito-
res, Cælum nobis tantam inviderat fragrantiam & in suos
transplantavit Elysios. O cæli si Hercules viveret usque hoc
LILIUM, ut in Hesperis olim recuperaret, nec ipse sine-
rém vos injurios dicere, nisi scirem, quod nobis Candorem
solatiorum, felicitatum omniumque bonorum odorem eti-
am de Cælis hoc sparsurum sit


LILIUM? Dixi.

Dixi iniquis

os(O)se



Biblioteka Jagiellońska



stdr0026076

